



472
937/2

2067

შ ი ნ ა ა რ ს ი

ს ა შ უ ა ლ ო ს კ ო ლ ი ს პ რ ო გ რ ა მ ე ბ ი

- | | |
|----------------------------------------------------------------------|----|
| 1. ხატვა | 2 |
| 2. ასტრონომია | 7 |
| 3. რაიონული (საქალაქო) პედაგოგიური კა-
ბინეტის დებულება | 10 |

ბ რ ძ ა ნ ე ბ ა ნ ი დ ა გ ა ნ კ ა რ გ უ ლ ე ბ ა ნ ი

- | | |
|----------------------------------------------------------------------------------------------------------|----|
| 4. მოზრდილთა ა/ს საშუალო და საშ სკოლე-
ბისათვის მეთოდური სექციის ჩამოყალიბე-
ბის შესახებ | 11 |
| 5. საბავშვო გამომცემლობის მუშაობის შე-
სახებ | 12 |

- | | |
|-------------------------------------------------------------------------------------------|----|
| 6. ყვარელის რაიონის განათლების განყოფი-
ლების მუშაობის გარდაქმნისათვის | 13 |
| 7. ვანის რაიონის განათლების განყ. გამგის
შესახებ | 14 |
| 8. პროფესორ-მასწავლებელთა თანამდებო-
ბისათვის განაკვეთების შემოღების შესახებ | 14 |
| 9. სახელმწიფო საცვლილფიკაციო კომისიის
დამტკიცების შესახებ | 15 |
| 10. პედაგოგიკაციის ამაღლების კურსების
შესახებ | 15 |

საშუალო სკოლის პროგრამები

ხატვა

V და VI კლასი

საშუალო სკოლაში ხატვის სწავლების ძირითადი ამოცანაა — მისცეს მოსწავლეებს საგნების, ცალკე და ჩვეულებრივ გარემოცვაში დახატვის ცოდნა, განავითაროს მათში მხატვრული გემოვნება, საგნების მხატვრული ღირსების სწორი შემეცნება და ამასთანავე, განამტკიცოს და გააღრმავოს დაწყებით სკოლაში ხატვისას მათ მიერ მიღებული ცოდნა-ჩვევები.

მოსწავლის მიერ შესრულებული ნახატი მთლიან შთაბეჭდილებას უნდა სტრავებდეს საგნის ფორმის, აგებულების, დანიშნულების, მხატვრული ღირსებისა და აგრეთვე სამასშტაბო და სივრცობრივ შეფარდებებზე.

საშუალო სკოლის ფარგლებში ხატვის კურსის მოცულობა და ნახატისადმი წაყენებული მოთხოვნები წარმოადგენენ ყოველ მოსწავლისათვის დასაძლევ სახვითი ცოდნის ძირითად მინიმუმს, რომელიც აუცილებელია, როგორც მეცნიერებისა და ტექნიკის ყველა დარგში, ისე ხელოვნების სფეროშიაც.

ფანქრისა და საღებავების საშუალებით ცალკეულ საგნებისა და საგანთა ჯგუფების ხატვა ნატურიდან, პროგრამის ძირითად წამყვან ნაწილს წარმოადგენს: აქ შედის აგრეთვე ადამიანისა და ცხოველების ჩანახატების შესრულება.

მეორე ნაწილია — მენსიერებით და წარმოდგენით ხატვა სხედანსხვა თემაზე.

ნატურიდან ხატვა ავითარებს მოსწავლეებში დაკვირვების უნარიანობას და სპეციალურ ჩვევებს, ეს კი ხელს შეუწყობს მათ დასახატავ ობიექტების შესწავლაში და დანახულის

სწორად ასახვისათვის საჭირო დახელოვნების გამომუშავებაში, — ნახატში საგანთა ფორმის, შეფერილობისა და ზომათა შეფარდებების შესწავლას და სწორ ასახვას საგნების მდგომარეობასთან და დამხატვის თვალთახედვის წერტილთან დაკავშირებით, ფორმის ცვლილებათა გადმოცემას (ძირითადი წესების შეთვისება და საგნების პერსპექტიული გამოსახვის სწორი ცოდნა) და სხვა.

ფანქრით მუშაობა ნატურიდან მეტნაწილად ტარდება ჩანახატების სახით და უპირველესყოფისა მიზნად ისახავს მოცულობითი ფორმის ხაზობრივი გამოსახვის წესების შეთვისებას: ნაწილი ამ მუშაობისა (საგანთა ჯგუფის ხატვა) სრულდება უფრო ხანგრძლივ ნახატების სახით, მოცულობის შექმრილით გადმოცემის საშუალებით (სინათლე, ნახევარჩრდილი, ჩრდილი).

მუშაობის სწორად დაყენებისათვის, ნატურიდან ხატვის წინ, მოსწავლეებთან უნდა ჩატარდეს საუბარი, პერსპექტიულ გამოსახვის ხერხებისა და წესების შესახებ (ცნებანი — თვალთახედვის წერტილების შესახებ და მისი მნიშვნელობა, პორიზონტის შესახებ. მოცულობითი ფორმის საგნების ხილული ცვლილებების — სიბრტყეების შემცირება, ვერტიკალების სწორად გადმოცემა, — იმ სწორკუთხა საგნის ფუძის ხაზის მიმართულების ცვლილებათა შესახებ, რომელიც მდებარეობს კუთხით დამხატველისადმი).

საგნებზე ხედვისა და მათთვის დამახაბათებელ მოცულობითი ფორმის გადმოცემის გასაადვილებლად საჭიროა ცალკეულ საგნებისა და საგანთა ჯგუფების ხატვის დროს დასახატავ საგნების მოთავსება დამხატველის

თვალ-ღონის ქვევით; მოსწავლეებმა უნდა დაინახონ ცილინდრული ფორმის საგნების ზედა ფუძე, არამსხვილ სწორკუთხა ფორმის საგნების გამოსახვისას ზედა წახნაგი.

ომისათვის, რომ საგანთა ჯგუფი მთელმა კლასმა კარგად დაინახოს, საჭიროა ვიქონიოთ ერთდამივე საგნის 2-3 ეგზემპლარი და საგანთა ჯგუფები მოვათავსოთ კლასის სხვადასხვა მხარეს.

ჯგუფში შემავალი საგნები სადა და მთლიანად უნდა იყოს — როგორც ფორმის, ისე ფერის მხრივ, მათზე არ უნდა არც ნაყშები და არც მორთულობა და ისინი უნდა ეფარდებოდნენ ერთმანეთს თვისი დანიშნულების მიხედვით.

მცენარეთა სამყაროს ობიექტების ჩახატვა სწარმოებს ნატურიდან, ნელი ან გამხმარი მცენარეებიდან, ბოსტნეულიდან, ხილიდან ან მათი მოდელებიდან, ცხოველების ჩახატვა კი — ფატულიდან.

სოფლის სკოლებში VI კლასის მოსწავლეებმა შეიძლება ჩაატარონ ცხოველების ჩახატვა ცოცხალ ობიექტებიდან. ქალაქის სკოლებში კი ამ შემთხვევაში შეიძლება ცოცხალი კუთხით სარგებლობა (თუ ასეთი არის სკოლაში); მუშაობის ასეთი სახე დაინტერესებს მოსწავლეებს და მეტად სასარგებლოა საჭირო ცოდნა-ჩვევების გამოუმუშავების საქმიანობაში. ეს მუშაობა უნდა სრულდებოდეს სკოლის გარეშე მუშაობის გზით, სახვითი ხელოვნების წრეში ან სახლში.

საუბრები ადამიანის სხეულის აგებულება-სა და მოძრაობის სქემების შესახებ, სასურველია ჩატარებული იქნას ანატომიური ტაბულელების ჩვენებითაც (ადამიანის ჩონჩხი VI კლ.). ამასთან ერთად მოძრაობის სქემაზე დაკვირვება სწარმოებს მოსწავლეებზედაც.

ერთ ფეხზე დაყრდნობილ ადამიანის ხატვის დროს მასწავლებელმა უნდა აუხსნას მოსწავლეებს, თუ როგორ წარმოებს სხეულის მდგომარეობის ცვლილებებთან შეფარდებით, მთელი სხეულის სიმძიმის ცენტრის გადატანა და ხაზი უნდა გაუსვას ნახატში ამ პირობის დაცვის აუცილებლობას.

ადამიანის სხეულის ხატვისას, მასწავლებელმა უნდა მიაპყრას მოსწავლეთა ყურად-

ღება ტანის აგებულებას და შემადგენელ ნაწილების პროპორციულ შეფარდებებს, გახუმარტოს მათ პროპორციების შესახებ და მათი ნახატში გადმოცემის აუცილებლობა.

პროპორციების საკითხთან დაკავშირებით სასურველია ჩატარებულ იქნას მოკლე საუბარი საერთოდ, საგნების პროპორციების მნიშვნელობისა და გამოყენების შესახებ (არქიტექტურა, ქანდაკება და სხვა).

აკვარელით ნატურიდან მუშაობამ, რომელსაც წინ უნდა უსწრებდეს ფანქრით ზუსტად და სუფთად შესრულებული ნახატი, უნდა მისცეს მოსწავლეებს საჭირო ტექნიკური ელემენტარული ჩვევები (საღებავების შერევა, საღებავების სწორად მოსხმა, ფერის გაშლა).

აკვარელით მუშაობამ მოსწავლეებში უნდა გააღრმავოს საგნის ფორმის გამოსახვის ცოდნა, შესწავლოს ფორმის სწორად გადმოცემა ძირითადი ფერის გაძლიერებისა და შესუსტების გზით, განავითაროს მოსწავლეებში ხედვა, საგნის დამახასიათებელი ფერის სწორად შერჩევის უნარიანობა და მხატვრული გემოვნება.

ნახატის შესრულების პროცესში მასწავლებელი უნდა აფრთხილებდეს მოსწავლეებს, რათა ნახატის სუფთად და კონტად შესრულებისა და აგრეთვე გადამეტებული დეტალირებისაკენ, მისწრაფებამ არ შეაფერხოს საგნის ფორმისა და დამახასიათებელი თვისებათა სწორად გადმოცემა; აგრეთვე არ არის დასაშვები ნატურიდან შესრულებულ ნახატის ფანქრით ხელახალი შემოვლება.

მეხსიერებითი და წარმოდგენითი ხატვა მეტად მნიშვნელოვანი ნაწილია სახვითი ცოდნის შესწავლის მთელ სისტემაში. თუ ჩვენ დაწყებით სკოლაში ხატვას ვასწავლიდით მეხსიერებითი და წარმოდგენითი თემების გამოსახვის გზით, ეს გამოძინარეობდა აგრეთვე, რომ დაბალი კლასების მოსწავლეებს ნატურიდან ხატვა უძნელდებოთ, რადგან მათში ჯერ არ არის გამოუმუშავებული საჭირო ტექნიკური ცოდნა-ჩვევები და ხელი არ აქვთ დახელოვნებული დანახულის სწორად გადმოცემაში. ამის გამო დაწყებით სკოლაში დაწყება წარმოდგენითი ხატვისა მიზანშეწონილია, ამით ბავშვის მეხსიერება-

ნი ყალიბდება გარკვეული სახვითი წარმოდგენები. საშუალო სკოლებში მესხიერებით და წარმოდგენით ხატვას, დაწყებით სკოლასთან შედარებით, ენიჭება სხვა მნიშვნელობა. ეს მნიშვნელობა იმაში მდგომარეობს, რომ ნატურიდან ხანგრძლივი ხატვის შედეგად სპეციალურ კონდაჩევეებისა და მხატვრული წარმოდგენების განვითარებით, მესხიერებითი წარმოდგენით და სასიუჟეტო ხატვაში, მოსწავლე იყენებს ყველაფერ ამას და ამით ამტკიცებს და ავითარებს თავის სახვითს ჩევეებს. ამრიგად პროგრამის ეს ნაწილი მოსწავლის დახელოვნების შემოწმების საშუალებაა.

სხვადასხვა თემაზე ხატვა (სასიუჟეტო ხატვა) ხელს უწყობს მოსწავლეს შეისწავლოს საგნების სივრცობრივი და სამასშტაბო შეფარდებათა გადმოცემა ღია და დახურულ სივრცეში, ადამიანის და საგნების ხატვის დროს (შორეულ საგნების შემცირება, პორიზონტის გამოკვლევა, პორიზონტის ქვევით და ზევით მიმდინარე ხაზების მიმართულება).

ამ ჩევეების შეთვისება უნდა მიმდინარეობდეს სინამდვილის დაკვირვების გზით და სქემის საშუალებით წმინდა მექანიკურ პერსპექტიულ აგებას, ადგილი არ უნდა ჰქონდეს.

ნატურიდან და წარმოდგენით ხატვა ერთი მეორეს უნდა სცვლიდეს შემდეგ ნაირად: პირველად უნდა მიმდინარეობდეს ცალკეულ საგნების ხატვა, შემდეგ საგანთა ჯგუფების ხატვა (ჯგუფების შემადგენელი საგნები, წინასწარ დახატულ ცალკეულ საგნების მსგავსი უნდა იყოს).

საგანთა ჯგუფის ნატურიდან ხატვის შემდეგ, საჭიროა ჩატარებულ იქნას სხვა წესით დალაგებულ იმავე საგანთა ჯგუფის ხატვა წარმოდგენით და მესხიერებით. შემდეგ მიმდინარეობს საღებავებით ხატვა ნატურიდან და თემატიკური ხატვა.

სასიუჟეტო ნახატის შესრულების დროს, ნახატში ნათლად უნდა ჩანდეს თემის შინაარსი, გამოყოფილ უნდა იქნას მთავარი მომენტები, როგორც ხაზობრივი შესრულება, ისე ფერების შერჩევა უნდა უბასუხებდეს თემის შინაარსს და ახასიათებდეს მას. მოსწავლეებში თვალყური უნდა ადევნოს იმას, თუ

როგორ ანაწილებს მოსწავლე ნახატს ელემენტურ კომპოზიცია, როგორ აქვს მას დაკლები კოლორითი და სხვა.

საჭიროა, რომ მუშაობის პროცესში ყურადღება მიექცეს და სათანადო დრო დაეთმოს დეკორატიულ მუშაობას — სტილიზაცია, ორნამენტის შედგენა და მასთან გაცნობა (გამოყენებული უნდა იქნას ქართული ორნამენტიც) და ნახატის წესიერი გაუორმება.

გაკვეთილის დროს მოსწავლეობის მიერ ფართოდ უნდა ტარდებოდეს ხელოვან რეალისტების ნახატებისა და სურათების რეპროდუქციების ჩვენება, როგორც გამოსახვის კანონების თვალსაჩინოდ ახსნის მიზნით, ისე ცალკეულ ხელოვანთა შემოქმედებასთან გაცნობისათვის.

საჩვენებელი ნიმუშების შერჩევა კარგად მოფიქრებული და ცალკეულ გაკვეთილზე დასახულ კონკრეტულ ამოცანების შესაფერისი უნდა იყოს: მაგალითად, საგანთა მოცულობის გამოსახვის წესების ახსნის დროს შეიძლება საჩვენებელი იქნეს ჰოლანდიელი ოსტატების ნატურმორტები, სივრცის გადმოცემის დროს — შიშინის პეიზაჟი, ლეიტანის, გაბაშვილის და სხვ. ადამიანის ნატურიდან ხატვის დროს — რეპინის, ივანოვის, სეროვის, ჩანახატები, სასიუჟეტო ნახატზე მუშაობის დროს სურიაკოვი, რეპინის, კრამსკოის, ვაბაშვილის, თოძის და სხვათა კომპოზიციები.

საპროგრამო მასალის განრიგების დროს მეოთხედების მიხედვით საჭიროა გავითვალისწინოთ საათების საერთო რაოდენობა, რომელიც დათმობილია ყოველ ნაწილზე. ამიტომ მიახლოებით მეოთხედზე დათმობილი 10 საათიდან, 2-3 სათი ეთმობა ცალკეულ საგნების და საგანთა ჯგუფების ფანქრით ხატვას, 2-3 საათი ნატურიდან საღებავებით ხატვას (საგანთა ჯგუფები), 2 საათი ადამიანების ჩანახატების შესრულებას 2-3 საათი სასიუჟეტო, წარმოდგენისა და მესხიერების ხატვას.

მეხუთე კლასი.

შესავალი საუბარი. მხატვართა სურათების რეპროდუქციების ჩვენება თვალსაჩინოდ.

მოცულობითი საგნების გამოსახვისა და სივრცის გადმოცემის ხერხები: ცნება დამხატვა-

ვის თვალთხედვის წერტილისა და ჰორიზონტის შესახებ; სივრცეში მდებარეობასთან დაკავშირებით საგნების მოჩვენებითი ცვლილებები (1 საათი).

I. ხატვა ნატურიდან (80 საათი).

მარტივი საგნების სწორად გამოსახვის შესწავლა: მათი დამახასიათებელი ფორმისა და მოცულობის გადმოცემა (ხაზობრივად და შეჭრადილით).

1. ცილინდრული ფორმის საგნების ხატვა.

ცილინდრული ფორმის საგნების ზედა და ქვედა ფუძეების ხილულ ცვლილებათა გამოსახვა (წრის ცვლილებებში საგნის მდგომარეობასა ან დამხატვის თვალთხედვის წერტილთან დაკავშირებით).

ა) ჭიქა, თასი, კასრი, ღოჭი.

იგივე საგნები, მხოლოდ სხვადასხვაგვარად დალაგებული და სხვა თვალთხედვის წერტილებიდან. მუშაობა სრულდება სწრაფი ჩანახატების სახით (2 საათი).

ბ) ქილა, ქილა თავსახურით და ახილი, წაქცეული კასრი, დაკიდებული კასრი, ღოჭი და სხვა (1 საათი).

გ) საგანთა ჯგუფი, ცილინდრული ფორმის საღებავების ჩასაწყობი ქილა, ყალმები და შეხვეული ქაღალდები ან ღოჭი და თასი და სხვა. (1 საათი).

დ) საგანთა ჯგუფი — ფინჯანით, სარძევე ჭიქა (1 საათი).

2. სწორკუთხა ფორმის საგნების ხატვა ცალკე და ჯგუფად. საგნის მდგომარეობის ან დამხატველის თვალთხედვის წერტილის შეცვლისას სწორკუთხა საგნების ფორმის ხილული ცვლილებების გამოსახვა: სიბრტყეების, კუთხეების და წიბოების (სიღრმეში მიმავალი პარალელური ხაზები) ცვლილებები.

ა) არამსხვილი საგანი, ძირითადად პარალელოპიპედის ფორმისა (კოლოფი, წიგნი და სხვა ამგვარი) სხვადასხვა მხრივ მობრუნებული (1 საათი).

ბ) ამავე ფორმის მსხვილი საგანი სხვადასხვა გვარად მობრუნებული (ვახსნილი დიდი წიგნი, მაგიდის ყუთი დაყენებული—1 საათი).

გ) სხვადასხვა სწორკუთხა ფორმის მსხვილი საგნები (ცალკე და ჯგუფში მუშაობა სრულდება ჩანახატების სახით—2 საათი).

დ) ცილინდრული და სწორკუთხა ფორმის საგანთა ჯგუფი (ღოჭი, სამელნე და წიგნები: კოლოფი, ჭიქა და თევზი და სხვა) (2 საათი).

3. ადამიანის ნატურიდან ხატვა (მონახატვები) (7 საათი). ადამიანის სხეულის ძირითადი პროპორციებისა და მარტივ მოძრაობების დროს სხეულის მდგომარეობის ძირითადი ცვლილებათა გადმოცემა.

თითოეული მონახატვით ეთმობა 15-20 წუთი.

ადამიანი სდგას: წინიდან. (ფასი) ზურგიდან და გვერდით (პროფილი) (4 საათი). ადამიანი მიდის, იკუზება, იატაკიდან საგანს იღებს, ზის (პროფილში) (3 საათი).

აღნიშნული დავალება სრულდება ფანქრით.

4. ვარჯიშობანი აკვარელით მუშაობის ელემენტარული ტექნიკის დაუფლებისათვის და ნატურიდან საგანთა ჯგუფის ხატვა საღებავებით (12 საათი).

ა) ფერის გაშლა. პატარა სიბრტყის შეღებვა ერთ და იმავე ფერით, ღია ფერიდან უფრო მუქ ფერამდე, ერთი ფერის მეორეზე დაფარვის გზით (1 საათი).

ბ) მექანიკური შერევა. ნაწარმი ფერის მიღება საღებავების შერევის გზით (პალიტრაზე) და მიღებული ფერით, დაახლოებით 3 სმ 10 სმ. ფორმის სწორკუთხედების შეღებვა. ფერების შერევა საღებავების ერთმანეთზე დაფარვის გზით (1 საათი).

საგანთა ჯგუფების სანიმუშო სია.

გ) ბოთლის და ღოჭის დახატვა და შემდეგ ნახატების შეღებვა მოცულობის გადმოცემის ცდით.

დ) ღოჭი ან ჭიქა წყლით ან ფინჯანით.

ე) ბოსტნეული და ხილი (ვაშლი, მსხალი, სტაფილო, კვანძი და სხვა).

სპორტის ხელსაწყოები და სათამაშოები (ბურთი, დოლი და სხვა).

ვ) სასწავლო ხელსაწყოები (წიგნები და საღებავების კოლოფი).

ზ) მცენარეები ქილაში და ჭიქაში.

სამუშაო სრულდება ფანქრით და საღებავებით. ჯგუფები ლ. ე. ვ. ლაგდება ღია ფონზე.

II. ხატვა სხვადასხვა თემაზე მებსიერებით და წარმოდგენით (9 საათი).

ღია და დახურულ სივრცეში ადამიანისა და საგნების ხატვა სიდიდეთა შეფარდებისა და მათი განლაგების გამოცემით. დაკვირვებითი პერსპექტივის მოვლენების სწორი გამოსახვა. გამოსახვისათვის მეტად დამახასიათებელი საგნების და ტიპების შერჩევა და ქალაქის ფურცელზე მათი განლაგება. სანიმუშო თემები: ა) ზაფხულში ქდინარეზე ბ) პიონერთა ბანაკი, გ) რთველი, დ) თონა, ე) კოლმეურნეობა, ვ) სკოლის ცხოვრება, ე) შოთა რუსთაველის, ი. ჭავჭავაძის, ა. ყაზბეგისა და სხვ. პწერალთა ნაწარმოების ილუსტრაციები.

მემკვსე კლასნი.

I. ნატურიდან ხატვა (31 საათი).

უფრო რთული საგნების გამოსახვის ძირითადი წესების შესწავლა.

1. სხვადასხვა საგნის ხატვა, ცალკე და ჯგუფში.

ა) კონუსისებური ფორმის საგნები სხვადასხვა მდგომარეობაში (კონუსისებური კასრი, ჭიქა, დოქი) (1 საათი).

ბ) შერეული ფორმის მსხვილი და არა მსხვილი საგნები (მორგალო დოქი წვრილი ყელით, ბოთლი ჭიქა დახურული ზევიდან და სხვა) (2 საათი).

გ) საგანთა ჯგუფები, მაგალითად: ბოთლი და ჭიქა; დოქი, თასი და ტაშტი (2 საათი).

იგივე საგნები სხვაგვარად დალაგებული (წარმოდგენით უნატუროთ (1 საათი).

დ) ვაშლი და მსხალი ვაჭრილი და გაუჭრელი (1 საათი).

2) მსხვილი სწორკუთხა საგნების ხატვა (2 საათი).

დახურულ და ღია სივრცის გამოსახვისათვის მოსამზადებელი მუშაობა.

ა) ყუთი ღია თავსახურით სხვადასხვა მდგომარეობაში — ცარიელი და შიგ ჩადებული საგნებით (1 საათი).

ბ) სკამი, მაგიდა და სხვა (1 საათი).

3) ღია და დახურული სივრცის გამოსახვა დაკვირვების შემდეგ (ჰორიზონტის ზევით მიმავალი პორიზონტალი მიდის ქვემოთ, ქვემოთ მიმავალი — ზევით).

ა) საცხოვრებელი ბინის შინა ხედი სწორი მორთულობით სხვადასხვა თვალთახედვის წერტილებიდან (2 საათი).

ბ) ქუჩა, ლინდაგი. ხატვა დაკვირვებით და მებსიერებით (1 საათი).

4) მცენარეულობის, ფრინველებისა და წვრილი ცხოველების ჩახატვა ნატურიდან.

აგებულობის, პროპორციის, დამახასიათებელ ფორმების და მოცულობის გადმოცემა.

ა) ტოტები და მსხვილი ყვავილები (1 საათი).

ბ) ხეები (დაკვირვებით და მებსიერებით) (1 საათი).

გ) წვრილი ცხოველებისა და ფრინველების ჩახატვა (ჩახატვა ნატურიდან ან ფიტულებიდან — 4 საათი).

5) ადამიანის ნატურიდან ჩახატვა (6 საათი).
V კლასში მიღებულ ჩვენათა განმტკიცება, და გაღრმავება.

საუბარი ადამიანის სხეულის აგებულების შესახებ სპეციალური ტაბულების ჩვენებით.

ა) ადამიანი დგას სხვადასხვა მხრივ მობრუნებული (2 საათი).

ბ) ადამიანი დგას ერთ ფეხზე, დაყრდნობით (1 საათი).

გ) ადამიანი ზის პროფილში (1 საათი).

დ) ადამიანი მოძრაობაშია (ჩქარი ჩანახატები) (2 საათი).

აღნიშნული დავალებანი სრულდება ფანქრით.

II. საგანთა ჯგუფების ხატვა ნატურიდან ფანქრით და საღებავებით (7 საათი)

ფერის გაშლის საშუალებით საგნების დამახასიათებელი ფერისა და მათი მოცულობის გადმოცემის ცოდნის განმტკიცება.

საგანთა ჯგუფებისათვის საგანთა მოცულობითი აღება და ფერების ტონალური შეხამება ნეიტრალურ ფონზე.

III. სხვადასხვა თემაზე ხატვა მებსიერებით და წარმოდგენით (6 საათი).

სასიუჟეტო ნახატში საგნების შერჩევა და განლაგება თემის მთავარ დამახასიათებელ მომენტების გამოყოფის გათვალისწინებით. მოქმედ პირების მთავარ დამახასიათებელ თვისებების ნახატში სწორი გადმოცემა. მოქმე-

დების ადგილისა და დროის ნათელი გაშუქება. სანიმუშო თემები და ლიტერატურული ნაწარმოებები: „ჩვენი ქუჩა“, „პიონერების მიერ კოლმეურნეობის საკუთრების დაცვა“, „საოქტომბრო ზეიმი“, „ჩვენი ქვეყნის საღარაჯოზე“. შ. რუსთაველის ი. ჭავჭავაძის, ა. ყაზბეგის, ა. წერეთლისა და სხვ. ნაწარმოებთა ილუსტრაციები და სხვა.

IV. დეკორატიული მუშაობა.

სტილიზაცია ორნამენტის გაცნობა, მისი შედგენა და გამოყენება (წიგნის, კაღის, მუხატის გაფორმების დროს) გრაფიკული ტექნიკის ელემენტარულ წრებთან გაცნობა (წიგნის ყდა და საწყისი ასოები, ტიტული და სხვა — 3 საათი).

„გამატიცებ“
განათლების სახ. კომისიის
მოადგილე დ. ყოფშიძე.

ასკრონომიის პროგრამა*)

განმარტებითი ბარათი.

ასკრონომიის კურსის შესწავლის მიზანია — მისცეს მოსწავლეებს წარმოდგენა ციურ სხეულთა მოძრაობის, აგებულების და განვითარების პროცესების შესახებ, ასკრონომიულ ცოდნათა თანამედროვე მდგომარეობის მიხედვით. ამ ამოცანის შესრულება არ უნდა განისაზღვროს გაკვეთილის მოყოლით, არამედ უსათუოდ დაუკავშირდეს თვით მოწაფეების მიერ ჩატარებულ დაკვირვებებს.

1. შესავალში — პირველ თავში — მოსწავლეებს მოკლედ უნდა მიეცეთ მზის სისტემისა და სამყაროში მისი ადგილის აღწერა და წარმოდგენა თანამედროვე ასკრონომიაზე, როგორც მეცნიერებაზე, რომელიც ისწრაფვის შეისწავლოს ციურ სხეულთა არა მარტო მექანიკური მოძრაობანი, არამედ მათი განვითარების ფიზიკურ-ქიმიური პროცესებიც.

2. მეორე თავში, ცნებები სფერული ასკრონომიიდან — მოსწავლეებს მიეცემათ ისეთი მოცულობით, რომ მათ შეეძლებათ დამოუკიდებლად გაერკვნენ ვარსკვლავიან ცაზედ, ჰქონდეთ წარმოდგენა ციურ სფეროსა და იმ კოორდინატებზე, რომლებიც იხმარება ასკრონომიაში.

იარაღების აღწერა უნდა იყოს მოკლე და იძლეოდეს ცოდნას იარაღების დანიშნულების შესაბამისად აგებულების პრინციპებს შესახებ.

3. პროგრამის მესამე თავში (დედამიწის ფორმა და მისი მოძრაობა) მოკლე ისტორი-

ული მიმოხილვის სახით არის მოცემული დედამიწისა და ცის შესახებ წინანდელი მისტიური წარმოდგენების გადასვლა თანამედროვე შეხედულებაზე. ამასთან მთავარი ყურადღება უნდა მიექცეს იმდენად არა მზის ბურთისებურობის ახსნას, — რასაც გეოგრაფიის უკვე განვლილი კურსი ითვალისწინებს, — რამდენადაც დედამიწის ფორმის შესახებ ხილდის ზუსტად განსაზღვრის საშუალებას.

აქ განსაკუთრებით საჭიროა შევჩერდეთ მეცნიერებასა და რელიგიას შორის ბრძოლაზე.

4. მეხუთე თავის პირველ ნახევარში ხდება დაზუსტება უკვე ცნობილ, მზის გარშემო დედამიწის ბრუნვის შესახებ ცოდნის დანახუთებულ მტკიცებათა გამოქვეყნების საშუალებით.

მოსწავლეებს აქვე ეძლევა მონისტურ-მეცნიერული მსოფლმხედველობის, დეკარტურ-რელიგიურ მსოფლმხედველობასთან, ბრძოლის მთელი ისტორია. თეორიის მნიშვნელობა პრაქტიკისათვის — ნაჩვენები უნდა იქნეს კალენდარის აგების საკითხთან დაკავშირებით.

მეათე კლასში უკვე მიღებული მათემატიკური ცოდნის საფუძველზე, კეპლერის კანონები ზუსტად ფორმულირებული უნდა იქნენ. ნიუტონის კანონის გამოყენების მიმოხილვაში ნაჩვენები უნდა იყოს მისი როლი, როგორც ციური მექანიკის ძირითადი პრინციპისა. დარვინის წყლის მოქცევის ჰიპოტეზა მოსწავლეებს ეძლევათ, წყლის მოქცევის შესახებ მოძღვრებასთან დაკავშირებით: მისი მნიშვნელობა კოსმოგონიურ ჰიპოტეზების

*) პროგრამა წარმოადგენს რსფსრ-ის განსახკომის მიერ საშუალო სკოლების მე-10 კლასებისათვის მიღებულ ასკრონომიის პროგრამის თარგმანს.

განვითარებაში, ეძლევათ შემდეგ (იხ. მე-8 თავი).

5. პროგრამის მეექვსე თავში მოცემულია მზის სისტემის ასტრო-ფიზიკური აღწერა. პლანეტების აღწერის დროს აუცილებელი არ არის დეტალებზე შეჩერება, საჭიროა მოსწავლეებს მივცეთ შედარებითი აღწერა მათი ზედაპირისა, რაც იძლევა წარმოდგენას პლანეტების ევოლუციის შესახებ.

6. მეექვსე თავში მთავარი ყურადღება უნდა მიექცეს სამყაროს აგებულობისა და ვარსკვლავთა ევოლუციის საკითხებს. ვარსკვლავთა პარალაქსები, რომლებიც განხილული იყო მე-4 თავში, აქ მოცემულია, როგორც მანძილთა ერთეულები და ამასთან დაკავშირებით ეძლევათ მოსწავლეებს წარმოდგენა ვარსკვლავთა აბსოლუტურ სიკაშკაშეზე.

7. პროგრამიდან სჩანს, რომ მერვე თავში, მთავარი არის არა პიპოტენების აღწერა, არამედ სამყაროს წარმოებისა და განვითარების შესახებ ანტირელიგიურ წარმოდგენათა გამოშვება. მათი მნიშვნელობის ახსნა-განმარტება. სამი პიპოტენის კონკრეტულ მაგალითზე ნაჩვენებია უნდა იქნას, პიპოტენის როგორც მეცნიერების განვითარების ფორმის მნიშვნელობა და ციურ სხეულთა განვითარების პროცესების შეცნობის შესაძლებლობა.

პროგრამის ბოლოში მოცემული დაკვირვებანი, პროგრამის შესაფერ თავებს მიეკუთვნება. ეს დაკვირვებანი შესაბამი მასალის დამუშავებაზე ადრე უნდა იწყებოდეს და ტარდებოდეს, რომ კურსის გავლის დროს უკვე დაგროვებული იყოს საკმაო დაკვირვებითი მასალა. დაკვირვებები, რომლებიც უნდა დაიწყოს პროგრამის პირველი ნაწილის გავლის დროს აღნიშნულია ვარსკვლავით.

I. შესავალი.

ცნება ასტრონომიაზე და წინასწარი მოკლე აღწერა მზის სისტემისა და ვარსკვლავთა სამყაროსი. ასტრონომიის ამოცანები, დაკვირვებანი და იარაღები.

II. ცის კამარა და ხილული ჰორიზონტი.

თანავარსკვლაველები. ცის დღე-ღამით ბრუნვა, მნათობთა ამოსვლა და ჩასვლა. სამ-

ყაროს ღერძი, ციური მერიდიანი, მნათობთა კულმინაცია. ჰორიზონტის მხარეები.

ციის სფერო და კუთხური გაზომვების თემატიკური ჰორიზონტი, ზენიტური მიმართულება, მერიდიანის სიბრტყე. წარმოდგენა ჰორიზონტალურ კოორდინატებზე და მათ სეზომ იარაღებზე.

ვარსკვლავური დღე-ღამისა და ვარსკვლავურ დროის წინასწარი ცნება. ციური ეკვატორი. ეკვატორულ კოორდინატთა ცნება. ვარსკვლავური დრო და პირდაპირი აღმოსვლა, მნათობთა სიმაღლე ზედა კულმინაციის მომენტში. ხილულ და არახილულ თანავარსკვლავთა ზონები.

მზის ხილული წლიური მოძრაობა. ეკლიპტიკა და ზოდიაკური თანავარსკვლაველები. ეკლიპტიკისა და ეკვატორის გადაკვეთის წერტილები. ბუნიობა, მზის მობრუნება. დღისა და ღამის ხანგრძლივობა პოლუსის სიმაღლესთან დაკავშირებით.

ვარსკვლავური დღე-ღამე და ვარსკვლავური დრო. ადგილობრივი ნამდვილი და საშუალო დრო, დროის განტოლება. წარმოდგენა ეკვატორული დადგომლობისა და მერიდიანულ წრის მოწყობილობისა და დანიშნულები შესახებ.

III. დედამიწის ბრუნვა და მისი ფორმა.

დედამიწის ფორმის, ბრუნვისა და მზის გარშემო მიმოქცევის შესახებ ცოდნის განვითარება. მეცნიერებასა და რელიგიას შორის ბრძოლა. დედამიწის ბრუნვის დამტკიცება: ვარდნილ სხეულთა აღმოსავლეთით გადახრით, ფუკოს ქანქარათი.

დედამიწის ბურთისებურობა, ხილული და ნამდვილი ჰორიზონტი. გეოგრაფიული კოორდინატები. ვანედი და გრძედი. პოლუსის სიმაღლე და ადგილის ვანედი.

დედამიწის ბრუნვა, როგორც დროის საზომი. ადგილობრივი დრო და გრძედი. ადგილობრივი და ზოლური დრო. დროის სამსახური სსრ კავშირში და მისი დამოკიდებულება საერთაშორისოსთან. გეოგრაფიული კოორდინატების განსაზღვრა და სსრკ რუკა.



IV. მანძილი ციურ სხეულებამდე.

პარალაქსური გადაწევა. პორიზონტალური ეკვატორული პარალაქსი. მნათობებამდე მანძილებისა და მათი ზომის განსაზღვრა.

V. მზის სისტემის შესახებ ცოდნის განვითარება.

პლანეტებისა და მთვარის ხილული მოძრაობა. პტოლომეს და კოპერნიკის სიტყვები. პლანეტებისა და მთვარის ხილული მოძრაობის განმარტება კოპერნიკის მიხედვით. მზის სისტემის შესახებ შეხედულებათა განვითარება, მეცნიერულ და რელიგიურ მსოფლმხედველობათა ბრძოლა. კოპერნიკის თეორიის სისწორის დამტკიცება, აბერაცია და ვარსკვლავების წლიური პარალაქსი.

წლის დროთა ცვლის, მზისა და პლანეტების ხილული მოძრაობის ახსნა კოპერნიკის თეორიით. კეპლერის კანონები. მთვარის მოძრაობა დედამიწის გარშემო. პლანეტებისა და მთვარის ფაზები, მთვარის, მზისა და პლანეტთა თანამგზავრების დაბნელებანი. პლანეტებისა და მთვარის ბრუნვა დედის გარშემო.

მიზიდულობის კანონი. ნიუტონის კანონი. გამოყენება ციურ სხეულთა მოძრაობის და ფორმის ახსნისათვის. დედამიწის მასა და სიმკვრივე და პლანეტთა მასის განსაზღვრა. ნებტუნის აღმოჩენა. წყლის მოქცევანი მათი მიწებზე და შედეგები. კალენდარი, წელიწადი, დღე-ღამე, თვე, ძველი და ახალი სტილის საწყისი, ერას პირობითობა.

VI. მზის სისტემა.

ასტროფიზიკისა და მისი მეთოდების ცნება. ფოტომეტრია, სპექტროსკოპია, ფოტოგრაფია. მზე. ლაქები და ჩირაღდანები. მზის ბრუნვა. მზის ტემპერატურა და გამოსხივება. მზის აქტივობასთან დაკავშირებული პერიოდული მოვლენები.

მზის სისტემის სხეულთა შედარებით აღწერა, პლანეტების ზედაპირის ფიზიკური პირობებისა და ატმოსფეროს აღწერა. ასტროიდები. კომეტები და მეტეორები. კომეტების სახის ცვლა, კუდის ტიპები, მეტეორების ნაკადები და მათი კავშირი კომეტებთან. კომეტებისა და მეტეორების მეცნიერულად ახსნა და რელიგიური ყალბი ახსნის წინააღმდეგ ბრძოლა.

VII. ვარსკვლავები.

ვარსკვლავების რიცხვი და მანძილებამდე. ვარსკვლავთა პარალაქსი და მათი მანძილებამდე მზიდან. ვარსკვლავთა ცაზედ განლაგება და მათი საკუთარი მოძრაობა. ნისლიანობა და ვარსკვლავთა გროვები. ვალაქტიკის აგებულობა. სამყაროს აგებულობა.

ვარსკვლავთა სპექტრები, ორმაგი და ცვალებადი ვარსკვლავები. ვარსკვლავთა სიკაშკაშის, სპექტრების დამოკიდებულება მათ ზომასა და ტემპერატურასთან. ვარსკვლავთა ევოლუცია.

VIII. კოსმოგონური ჰიპოთეზები.

მოკლე ცნობები ციურ სხეულთა წარმოშობისა და ევოლუციის შესახებ შეხედულებათა განვითარების ისტორიიდან. კანტ-ლაპლასის კოსმოგონური ჰიპოთეზები. ჯ. დარვინის მოქცევის ჰიპოთეზა დედამიწის, მთვარისა და ორმაგი ვარსკვლავების წარმოშობის შესახებ. ჯინსის თანამედროვე ჰიპოთეზა. სამყაროს აგებულების და წარმოშობის შესახებ რელიგიურ და იდეალისტურ წარმოდგენათა სიყალბე. სამყაროს უსასრულობა დროსა და სივრცეში.

დაკვირვებანი (გაკვეთილისგარეშე).

ა) მასწავლებლის უშუალო ხელმძღვანელობით.

- 1) ცის დღე-ღამითი ბრუნვისა და თანავარსკვლავედთა ზოგადი გაცნობა.
- 2) მზის სახე ჭოგრში და დურბინდში (ეკრანზე).
- 3) მთვარის ზედაპირის დაკვირვება.
- 4) იუპიტერისა, სატურნისა და ვენერაზე დაკვირვებანი (ჭოგრში და დურბინდში).
- 5) ნისლიანობა, ვარსკვლავთა გროვები, ორმაგი ვარსკვლავები.
- 6) დაკვირვება მთვარისა და მზის დაბნელებაზე (შესაძლებლობის შემთხვევაში).

ბ. მასწავლებლის დავალები.

თანავარსკვლავედების დღე-ღამითი მოძრაობა, 2) მზის კუთხური სიმაღლის გაზომვა შუადღისას, 3) პოლარული ვარსკვლავის კუთხური სიმაღლის გაზომვა, 4) პლანეტთა მოძრაობა ვარსკვლავთა შორის, 5) შუადღის ხანის განსაზღვრა, 6) მთვარის მოძრაობა ცაზე, 7) საათის შემოწმება მზისა და რადიოს საშუალებით, 8) ქნარის β-ს და ცეფეის Δ-ს ცვალებადობის აღმოჩენა.

„ვამტკიცებ“
განათლების სახ. კომისიის
მოადგილე დ. ყოფშიძე.

რაიონული (საქალაქო) პედაგოგიური კაბინეტის დებულება

I. ზოგადი ნაწილი.

1. რაიონული (საქალაქო) პედაგოგიური კაბინეტი წარმოადგენს რაიონულ (საქალაქო) განათლების განყოფილების დამხმარე ბაზას სასწავლო მეთოდურ დარგში.

2. პედაგოგიური კაბინეტის ძირითად ამოცანას წარმოადგენს: საუკეთესო სკოლებისა და მასწავლებლების მუშაობის შესწავლა განზოგადოებასა და საღირებეტივო ორგანიზაციის დადგენილება-მითითებათა სკოლამდე დაყვანა-გატარებაში განათლების განყოფილებისათვის უშუალო დახმარების გაწევა.

3. რაიონული (საქალაქო) პედაგოგიური კაბინეტი წარმოადგენს რაიონულ (საქალაქო) განათლების განყოფილებასთან არსებულ ერთეულს, მუშაობს განათლების განყოფილების მიერ დამტკიცებული გეგმით და თავის მუშაობით პასუხისმგებელია განათლების განყოფილების წინაშე.

II. მუშაობის შინაარსი და წესი

1. ამ დებულების ზოგადი ნაწილის მეორე მუხლით გათვალისწინებულ ამოცანის შესრულებისათვის რაიონულ (საქალაქო) პედაგოგიური კაბინეტის მუშაობის შინაარსში შედის:

ა) ცალკეულ სასწავლო დისციპლინების სწავლების, აღმზრდელობითი მუშაობის მდგომარეობის, სასკოლო და სასწავლო მუშაობის ორგანიზაციის და წარმატების აღრიცხვის ყველა მნიშვნელოვანი მომენტის შესწავლა

დაწყებით, არა სრულ საშუალო და საშუალო სკოლების ხაზით იმ მიზნით, რათა საუკეთესო სკოლებისა და მასწავლებლების მუშაობა იქნეს განზოგადოებული

ბ) ხელმძღვანელ ორგანოების დადგენილებებისა და ღირებეტივების დაყვანა გატარებაში განათლების განყოფილებისათვის უშუალო დახმარების გაწევა:

გ) პედაგოგიურ სავამომკვლევო სამეცნიერო ინსტიტუტების ნაშრომების, პერიოდული და არაპერიოდული პედაგოგიური პრესის მასწავლებლებისათვის გაცნობის მიმართულებით მუშაობა.

2. დებულების ამ თავის პირველ მუხლში ჩამოთვლილ სამუშაოთა შესრულებას კაბინეტი ახდენს შემდეგი საშუალებებითა და წესით:

ა) კაბინეტი თანამშრომელთა საშუალებით სწავლობს ადგილებზე — სკოლებში — ცალკეულ სასწავლო დისციპლინების სწავლების აღმზრდელობითი მუშაობის დაყენების, სწავლების ორგანიზაციის, რეჟიმის და წარმატების აღრიცხვის მდგომარეობას:

ბ) ამგვარი შესწავლის შედეგად, საუკეთესო სკოლების და მასწავლებლის მუშაობის განზოგადოების მიზნით, ადგენს სპეციალურ მოხსენებებს, საკურნალო და სავანეთო წერილებს, ღონისძიებათა ბარათებს და განათლების განყოფილებასთან შეთანხმებით დაპ-

ყავს იგი სკოლებამდე და მასწავლებლო-
თათმდე.

გ) აწყობს გამოფენებს (სტაციონალურსა
და მოძრავ) დაწყებით, ას საშუალო და სა-
შუალო სკოლების სასწავლო-აღმზრდელობი-
თი მუშაობის ცალკე საკითხებზე.

დ) შესაძლებლობის მიხედვით აწყობს მას-
წავლებელთათვის სემინარებს და პრაქტიკუ-
მებს ცალკე საგნების მიხედვით (ქართული
ენა და ლიტერატურა, რუსული ენა და ლი-
ტერატურა, უცხო ენა, ისტორია, მათემატიკა,
ბუნებისმეტყველება, ფიზიკა, ქიმია, გეო-
გრაფია და სხვა).

ე) აწყობს მოხსენებებს და ლექციებს პე-
დაგოგის, დიდაქტიკის, მეთოდისკების და
საერთოდ სკოლის მუშაობის პრაქტიკის აქ-
ტუალურ საკითხებზე.

ვ) იმუშავებს განსახლებულ წესს და აწყ-
ობს მასწავლებელთათვის ჯგუფურ და ინ-
დივიდუალურ კონსულტაციებს სასწავლო-
აღმზრდელობითი მუშაობის ყველა საკით-
ხებზე.

ი) აყალიბებს, ს. კ. პ. (ბ) ისტორიის და
სსრკ ისტორიის შემსწავლელ წრეებს.

ზ) აწყობს, ღია საჩვენებელ გაკვეთილებს
ნაკლებ გამოცდილების მქონე მასწავლებელ-
თათვის.

თ) არის განსაკომის სასკოლო მუშაობის
კაბინეტის მუდმივი კორესპოდენტი და აწე-

დის მას საჭირო მასალებს (კაბინეტის მოთხო-
ვნილების მიხედვით).

5) პედაგოგიკის არსებობის რაიონული-
დაგოგური ბიბლიოთეკა.

III. პედაგოგიკის სტრუქტურა

1. პედაგოგიკის სათავეში დგას გამგე, რომელსაც ნიშნავს განათლების სახალხო კომისარი განათლების განყოფილების გამგის წარდგინით. პედაგოგიკის გამგეს უნდა ჰქონდეს უმაღლესი განათლება და პედაგოგიური სტატი არანაკლები 5 წლისა.

2. პედაგოგიკის შტატსა და ბიუჯეტს ამტკიცებს განსახკომი.

3. პედაგოგიკის მუშაკები სარგებლობენ ყველა იმ უფლებით, რომელიც მინიჭებული აქვთ დაწყებითსა და საშუალო სკოლების მასწავლებლებს (შეგებულება, პენსია და სხვა).

4. პედაგოგიკის ტიპური შტატი ასეთია:

კაბინეტის გამგე, იგივე საშუალო სკოლის მუშაობის ხელმძღვანელი	1
დაწყებითი სკოლის მუშაობის ხელმძღვანელი	1
ბიბლიოთეკის გამგე	1
ტიქნიკური მუშაკი	1
სულ	4

ბ რ ძ ე ნ ე ბ ა № 3574 განათლების სახალხო კომისარიათისადმი

1937 წ. 2 დეკემბერს

მოზრდილთა ა/სრ. და ს.ა. სკოლა ბისათვის მეთოდური სემინარის ჩამო-
შალიბების შესახებ.

1. მოზრდილთა ა/სრ. საშუალო და საშუალო სკოლების სიმრავლისა, აგრეთვე ამ სკოლების მუშაობის სპეციფიურობის გამო და მომავალში მათზე მეთოდური მომსახურების გაუმჯობესების მიზნით 1938 წლის 1-ლი იანვრიდან განსახკომის მეთოდკაბინეტთან ჩამოყალიბდეს მოზრდილთა ა/სრ. საშუალო და საშუალო სკოლებისათვის მეთოდური სექცია ერთი საშტატო ერთეულით.

2. დავეალოს საგვეგმო-საბიუჯეტო განყოფილებას 1938 წლისათვის მეთოდკაბინეტის ბიუჯეტში გაითვალისწინოს ამისათვის საჭირო თანხები.

3. მოზრდილთა განათლების სამმართველომ შეარჩიოს მეთოდკაბინეტის ამ სექციაში მომუშავეის სათანადო კანდიდატი და წარმოიმდგინოს დასამტკიცებლად ამა წლის 20 დეკემბრამდე.

განათლების სახალხო კომისარი
ი. ბურჭულაძე



განათლების სახალხო კომისარიატისადმი

1937 წლის „7“ დეკემბერს.

საბავშვო გამოცემლობის მუშაობის შესახებ.

გავეცანი რა საბავშვო გამომცემლობის 1937 წლის გეგმის შესრულების შემოწმების შედეგებს, აღენიშნა, რომ სახელგამის გამვის — ნიკო კიკნაძის არასწორი ხელმძღვანელობისა და სახელგამის საბავშვო ლიტერატურის სექტორის მიერ გეგმის შესრულებისათვის არადამაკმაყოფილებელი მუშაობის შედეგად — გეგმით ვათვალისწინებულ 52 სახელწოდების წიგნიდან დღემდე ბაზარზე მხოლოდ 25-მდე სახელწოდების წიგნია გამოსული; გამოცემულ წიგნთაგან ზოგიერთა ხარისხი მხატვრული და ტექნიკური გაფორმების მხრივ არადამაკმაყოფილებელია (ქალღმერთი ხშირად უვარგისია, ზოგიერთი გამოცემულ წიგნს არა აქვს სატიტულო ფურცელი, ბევრი წიგნი დაუდევრად არის აკინძული და სხვ. „შეფოთილი ბეიანი“ — გ. კაჭხიძის, „წარსულიდან“ — პოსტიშევის, „ლალა და თრითინა“ — გ. პატარიძის და სხვ.

საბავშვო გამომცემლობის საქმის სათანადო სიმაღლეზე დაყენების მიზნით ვ ბ რ ძ ე ნ ე ბ ე:

1. სახელგამმა 1938 წლის პირველ კვარტალიდან დააწესოს საბავშვო გამომცემლობისათვის გეგმით ვათვალისწინებული მაღალი ხარისხის ქალღმერთის ფონდის ცალკე გამოყოფა. აიკრძალოს საბავშვო გამომცემლობის ქალღმერთის ფონდის ხარჯვა სხვა საქმიანობისათვის გარდა საბავშვო გამომცემლობისა.
2. საბავშვო წიგნების სათანადო ხარისხით

გამოცემის უზრუნველყოფის მიზნით დააწესდეს ყველა წიგნის, სტამბაში გადაცემამდე წარმოდგენა განათლების სახალხო კომისარიატში განსახილველად და დასამტკიცებლად.

3. საბავშვო გამომცემლობის გეგმით ვათვალისწინებულ წიგნთა დროულად განხილვა და კომისიისათვის დასამტკიცებლად წარდგენა მიენდოს საშუალო სკოლების სამმართველოს.

4. განსაკუთრებული ყურადღება მიექცეს წიგნების ტექნიკურად სათანადოდ გაფორმების საქმეს — სწორად აკინძვა, სათანადოდ შემოკრა, სატიტულო ფურცელი, შინაარსი და სხვა.

5. საბავშვო წიგნების დასურათების დარგში მაღალი ხარისხის მიღწევისათვის, საბავშვო წიგნების დასურათება მიენდოს მაღალ კვალიფიციურ მხატვრებს, სახელგამმა დასახოს ლონისძიებანი საბავშვო წიგნების მხატვრებთან სათანადო მუშაობის ჩატარებისათვის.

6. საბავშვო წიგნების გამომცემლობის საქმის მომავალში მაღალ საფეხურზე აყვანისათვის დაიხვეს საკითხი საქ. ა. ლ. კ. ცეცას წინაშე, საბავშვო გამომცემლობის ცალკე დამოუკიდებლად გამოყოფის შესახებ.

განსახკომის მოადგილე დ. ჟიფშიძე



1937 წლის „7“ დეკემბერს.

ყვარლის რაიონის განათლების განყოფილების მუშაობის გარდაქმნი-
სათვის.

როგორც გამოკვლევის მასალებით დადასტურდა, ყვარლის რაიონის განათლების განყოფილების გამგე აშხ. თ. მაზანაშვილი აგრძელებს რა გან. განყოფილების ყოფ. გამგის გ. კორსაველის მუშაობის „მეთოდებს“, სრულ უპასუხისმგებლობას და უდარდებლობას იჩენს რაიონის საკლუბო დაწესებულებათა მუშაობისადმი.

ამის შედეგად: კლუბებისა და ქოხსამკითხველოების შენობები გადაქცეულია პურის ბედლებად (ენისელის, ახალი სოფლის, შილდის და სხვა სასოფლო საბჭოებში) და ზოგან საკლუბო დაწესებულებათა შენობები თითქმის სანახევროდ დანგრეული და შეუკეთებელია (მაგ. გავის, ჭიკაიანის, საბუეს, და სხვა სასოფლო საბჭო).

რაიონის მრავალ საკლუბო დაწესებულებას არ გააჩნია საჭირო ინვენტარი და მოკლებულია მხატვრულ გაფორმებას და კეთილ-მოწყობას.

განათლების განყოფილება რაიონის საკლუბო დაწესებულებებს არავითარ მეთოდურ-ორგანიზაციულ დახმარებას არ უწევს. რაიონის განათლების განყოფილების მუშაკები 10 თვის განმავლობაში ერთხელაც არ ჩასულან ადგილებზე საკლუბო დაწესებულებათა მუშაობის შესამოწმებლად და მათთვის კონკრეტ დახმარების გასაწევად (ჭიკაიანი, გავაზი და სხვა).

რაიონის განყოფილება უყურადღებოდ და შეუსრულებლად სტოვებს განსახკომის დირექტივებსა და ინსტრუქციებს. ადგილი აქვს საკლუბო მუშაობისათვის განკუთვნილ თანხების არადანიშნულებისამებრ გამოყენებას (საკლუბო მუშაობის თანხებიდან ყვარლის სახ. თეატრზე გაყვანილია 16.500 მან.).

აქედან გამომდინარე ე ბ რ ძ ა ნ ე ბ :

1. გამოეცხადოს სასტიკი საყვედური უკანასკნელი გაფორმებითი ყვარლის რაიონის

განათლების განყოფილების გამგეს აშხ. თ. მაზანაშვილს და საყვედური გაფორმებითი პოლიტგან-ინსპექტორს აშხ. შ. მზექალიშვილს.

2. დაველოს აშხ. თ. მაზანაშვილს: ა) ა/წ. 25-XII-მდე გაანთავისუფლოს სხვადასხვა ორგანიზაციების მიერ დაკავებული საკლუბო დაწესებულებათა შენობები.

ბ) ამავე ვადისათვის აღადგინოს მან საკლუბო დაწესებულებათათვის ბიუჯეტით გათვალისწინებული თანხები, რომლებიც არაპირდაპირი დანიშნულებით იქნა გახარჯული

გ) ათი დღის ვადაში აღადგინოს თავის უფლებებში სარაიონო კლუბი და უზრუნველყოს მისი ნორმალური მუშაობა.

დ) 15 დღის ვადაში უზრუნველყოს რაიონის საკლუბო დაწესებულებათა კადრების გადასინჯვა, კვალიფიციური მუშაკების შერჩევა და განსახკომისათვის დასამტკიცებლად წარდგენა.

ე) მ/წ 1-ლი იანვრამდე უზრუნველყოს საკლუბო დაწესებულებათათვის გათვალისწინებული საბიუჯეტო თანხების ათვისება და რაიონში არსებულ საკლუბო შენობების სრულ წესრიგში მოყვანა.

ვ) უზრუნველყოს რაიონის ყველა საკლუბო დაწესებულებების მიმართ ოპერატიული ხელმძღვანელობა, მათი მუშაობის ადგილზე შემოწმება და კონკრეტულ ორგ-მეთოდურ დახმარების გაწევა.

ზ) დაველოს კულტურის სახლებისა და საკოლმეურნეო კლუბების სამმართველოს უფროსს აშხ. ა. გაბისონიას მომხსენოს ამ ბრძანების შესრულების შესახებ.

4. ბრძანება გაეგზავნოს ყველა განათლების განყოფილების გამგეს.

განათლების სახ. კომისარი
ერ. გუბრულაძე

ბ რ ძ ე ნ ე ბ ე № 3547

ბანათელვის სახალხო კომისარიატისაღი



1937 წლის „29“ ნოემბერს.

ვანის რაიონის ბანათელვის განყოფილების ბაგბის შესახებ

ვანის რაიონის გან. განყოფილების გამგას ამხ. სევერიან ცინცაძის მიერ საკლუბო მუშაობის შეუფასებლობისა და მისდამი უპასუხისმგებლო დამოკიდებულების შედეგად 1937 წლისათვის დამტკიცებული 12 ჭოხ-სამკითხველსა და 7 სასოფლო კლუბის ნაცვლად რაიონში არსებობს 8 ჭოხ-სამკითხველი და 6 სასოფლო კლუბი. კერძოდ შუამთის ჭოხ-სამკითხველი მის მიერ გაუქმებულ და გადაკეთებულ იქნა სასოფლო ბიბლიოთეკად, ხოლო განათლების სახ. კომისარიატს აწვდიდა ყალბ ცნობებს ჭოხ-სამკითხველს არსებობის შესახებ.

გაფრთხილებით ვანის რაიონის გან. განყოფილების გამგეს ამხ. ს. ცინცაძეს.

დაევალოს მასვე რაიონის საკლუბო დაწესებულებათა ქსელი აიყვანოს ბიუჯეტით გათვალისწინებულ რიცხვამდე (7 სასოფლო კლუბი და 12 ჭოხ-სამკითხველი) და აღადგინოს შუამთის ჭოხ-სამკითხველი ა/წ. 15 დეკემბრამდე.

ვავალბ კულტსახლებისა და საკ. კლუბების სამმართ. უფროსს ამხ. გაბისონიას ამ ბრძანების შესრულებაზე მომხსენოს პირადათ მე.

გამომდინარე აქედან ვ ბ რ ძ ე ნ ე ბ ე:

1. გამოეცხადოს სასტიკი საყვედური —

განათლების სახალხო კომისარი

ი. ბურჭულაძე

ბ რ ძ ე ნ ე ბ ე № 3819

ბანათელვის სახალხო კომისარიატისაღი

1937 წ. „19“ დეკემბერს.

პროფესორ-მასწავლებელთა თანაჯემოგობისათვის ბანაკმეთის შემოღების შესახებ

სსრკ სახკომსაბჭოს 1937 წლის 11 ნოემბრის დადგენილების „საშტატო თანამდებობის და პროფესორ მასწავლებელთა თანამდებობრივი განაკვეთების შემოღების შესახებ უმაღლესი სკოლებში“ — ს თავის დროზე და წარმატებით შესრულება:ათვის ვ ბ რ ძ ე ნ ე ბ ე:

1. დაევალოს ქვემდებარე უმაღლეს სკოლების (სახელმწიფო უნივერსიტეტის, თბილისის, გორის, ბათუმის, სტალინირის სამასწავლებლო ინსტიტუტების და ქუთაისის და ბათუმის პედინსტიტუტების) დირექტორებს პირადი პასუხისმგებლობის ქვეშ წარმოადგინონ განსახკომში განსახილველად მათდამი რწმუნებული უმაღლეს სკოლების საშტატო თანამდებობათა და პროფესორ-მასწავლე-

ბელთა პერსონალური შემადგენლობის შესახებ ზუსტი ცნობები, შედგენილი უმაღლესი სკოლების საქმეთა საკავშირო კომიტეტის მითითებათა საფუძველზე.

2. უმაღლეს სკოლების სამმართველომ უზრუნველყოს — ადგილებზე (გორი, ბათუმი, ქუთაისი, სტალინირი, სოხუმი) ინსპექტორების მივლინება ადგილობრივ მუშაობის შესასწავლად და საინსტრუქტორ მითითებათა მისაცემად.

3. დაევალოს განსახკომის უმაღლეს სკოლების სამმართველოსთან არსებულ საკვალიფიკაციო კომისიას 1938 წლის 10 იანვრამდე აიყვანოს აღრიცხვაზე პროფესორ-დოცენტები, უფროსი მასწავლებლები, ასისტენტ-

ლაბორანტები და სისტემაში მოიყვანოს მათი საბუთები.

4. უმაღლესი სკოლების სამმართველომ წარმოადგინოს 1938 წ. „1“ იანვრისათვის განსახკომის სისტემაში შემავალ უმაღლეს სკოლების სათანადო კატეგორიაში მოთავსების პროექტი უმაღლეს სკოლების საქმეთა საკავშირო კომიტეტში წარსადგენად.

5. დაევალოს საფინანსო-საბიუჯეტო განყოფილებას 20/XII-სათვის წარმოადგინოს სტიპენდიების ახალი განაკვეთების მიხედვით საჭირო თანხების რაოდენობა.

განათლების სახ. კომისიის
მოადგილე **დ. შიშვიძე**

ბ რ კ ე ნ ე ბ ე № 3767

განათლების სახალხო კომისარიატისადმი

1937 წლის „15“ დეკემბერს.

სახელმწიფო სპეცალიზიკაციო კომისიის დამტკიცების შესახებ.

1937 წლის 1-ლი ივლისის № 1092 ბრძანების შესაცვლელად ვბრძანებ:

საქ. ს. ს. რ. განათლების სახალხო კომისარიატის სახელმწიფო სპეცალიზიკაციო კომისია დამტკიცდეს შემდეგი შემადგენლობით:

1. ბურჭულაძე ე. ე. (თავ-რე).
2. ყიფშიძე დ. ი. (თავ-რის მოადგილე)
3. დოც. კიკნაძე გ. ი.
4. პროფ. მუსხელიშვილი ნ.
5. „ ბერიტაშვილი ი.
6. „ შარია პ. ა.
7. „ კუპრაძე ვ.
8. „ ნათაძე გ. ი.
9. „ ტალახაძე ვ.

10. „ ჯანელიძე ან.
11. „ ახვლედიანი გ.
12. „ ხაჭაპურიძე გ. ვ.
13. „ ნუცუბიძე შ.
14. „ ჯავახიშვილი ალ.
15. „ ჯავახიშვილი ივ.
16. „ დანელია ს.
17. „ კანდელაკი ბ.
18. „ წერეთელი ვრ.
19. „ ხარაძე არ.

განათლების სახ. კომისარი
მრ. ბურჭულაძე

ბ რ კ ე ნ ე ბ ე № 3744


განათლების სახალხო კომისარიატისადმი

1937 წ. „14“ დეკემბერს.

პედ. კვალიფიკაციის ამაღლების კურსების შესახებ.

1937 წელს პედ. კვალიფიკაციის ამაღლების ინსტიტუტთან 3-ჯერ მოეწყო ფ. კ. ხაზით მომუშავეთა რესპუბლიკური ვადასამზადებელი კურსები, და მიუხედავად იმისა, რომ რაიონებს დროულად დაგზავნათ ში-

ვართები და დებუშები, ზოგიერთმა რაიონის განყოფილებების გამგებებმა არ მიაქციეს ამ საკითხს ჯეროვანი ყურადღება და არც ერთხელ არ მიავლინეს კურსებზე მსმენელები (აჭარის ასსრ განსახკომი, სამხრეთ ოსე-



თის ავტონომიური ოლქის განსაკუთრებით, გორის, კასპის, ცაგერის, თიანეთის, წალენჯიხის, ბაშკინეთის განგანყოფილებები).

მივაქცევ გან. განყოფილებების ყურადღებას იმ გარემოებას, რომ ფ. კ. მასწავლებლობის უმრავლესობა ან ძლიერ სუსტად ერკვევა ფ. კ. მუსიკის საკითხებში ანდა სულ არა აქვს არავითარი წარმოდგენა ფიზიკური აღზრდის თანამედროვე მეთოდების შესახებ; ზოგიერთი რაიგანგანყოფილებები ფ. კ. საათებით სტვირთავენ სხვა საგნის მასწავლებლებს (არასპეციალისტებს) მათი განაკვეთის შევსების მიზნით (ცხაკაიას, ტყიბულის, გორის, ლავოდების, აღბულაღის, ბოგდანოვკის, ახალქალაქის, ყარაიაზის რაიგანგანყოფილებები).

მთელი რიგი რაიონების განათლების განყოფილების გამგეებმა აგრეთვე ვერ შეასეს საზაფხულო ვადამზადება იმ მასწავლებელთა რომელნიც ასწავლიან სხვა საგანს შეთავსებით და მათი მოწყვეტა სწავლას დაწყების შემდეგ გართულებულია — აბაშის, ახალქალაქის, აღბულაღის, ასპინძის, ბოგდანოვკის, ბორჩალოს, ბორჯომის, გეგუქორის, დუშეთის, ვანის, ზესვანეთის, ზუგდიდის, ლანჩხუთის, ონის, საგარეჯოს, ტყიბულის, ქვ. სვანეთის, ყარაიაზის, ყვარელის, ყაზბეგის, ჩხოროწყუს, ფოთის, ცხაკაიას, ხაშურის რაიგანგანყოფილებებმა აგვისტოს თვეში კოჯორში

მოწყობილ ფ. კ. მასწავლებელთა ვადამზადებადებელ კურსებზე არ მოავლინეს თბილისის მასწავლებლები.

გამომდინარე ზემოაღნიშნულიდან ვბრძანებ:

1. მიეთითოს ადიგენის, ახალქალაქის, ასპინძის, ბოგდანოვკის, ბორჩალოს, გეგუქორის, დუშეთის, ლავოდების, ლიუქსემბურგის, ონის, საგარეჯოს, ტყიბულის, ყარაიაზის, ყვარელის, ყაზბეგის, ჩხოროწყუს განგანყოფილებებს, პედ. კვალიფიკაციის ამოღების ინსტიტუტის გადასამზადებელ ფ. კ. კურსებზე მათთვის დათმობილ ადგილების გამოუყენებლობისათვის.

2. გამოეცხადოს საყვედური გორის, კასპის, ცაგერის, თიანეთის, წალენჯიხის, ბაშკინეთის რაიგანგანყოფილებების გამგეებს 1937 წ. პედ. კვალიფიკაციის ამოღების ინსტიტუტთან სამჯერ მოწყობილ ფ. კ. ვადამზადებელ კურსებზე მათთვის დათმობილ ადგილებს სამჯერვე გამოუყენებლობისათვის.

3. ყველა რაიგანგანყოფილებების გამგეებმა შემდგომში ზუსტად დაიცვან ფ. კ. კურსებზე მოვლინებისათვის მიცემული ვადები და განაწილებით მათთვის დათმობილ ადგილების რაოდენობა.

განათლების სახ. კომისიის
მოადგილე დ. შიშვიძე